

2ª ADDENDA AO CONVENIO ENTRE A EXTINTA CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES DA XUNTA DE GALICIA, A DIÓCESE DE SANTIAGO DE COMPOSTELA E O CONCELLO DA ESTRADA PARA A RESTAURACIÓN DO RETABLO PRINCIPAL DA IGREXA DE SANTO TOMÉ DE ANCORADOS- A ESTRADA.

Don José Carlos López Campos, na súa condición de conselleiro de Cultura, Lingua e Xuventude, en virtude do seu nomeamento mediante o Decreto 44/2024, do 14 de abril, no exercicio das atribucións que lle confire o artigo 34 da Lei 1/1983, do 22 de febreiro, reguladora da Xunta e a súa Presidencia.

Don Francisco José Prieto Fernández, actuando en representación da Diócese de Santiago de Compostela, en virtude da súa condición de arcebispo, titular e responsable da diócese.

Don Gonzalo Louzao Dono, alcalde do Concello da Estrada actuando en virtude das facultades representativas que lle atribúen os artigos 21.1 b) da Lei 7/1985, de 2 de abril, reguladora das bases do réxime local e 61.1.a) da Lei 5/1997, do 22 de xullo, de Administración Local de Galicia.

As partes interveñen en función dos seus respectivos cargos e no exercicio das súas facultades que para convir no nome das entidades que representan teñen conferidas, e,

EXPOÑEN

PRIMEIRO.-

Que con data 27 de marzo de 2024 asinouse un convenio entre a extinta Consellería de Cultura, Educación, Formación Profesional e Universidades, a Diócese de Santiago de Compostela e o Concello da Estrada para a restauración do retablo maior da Igrexa de Santo Tomé de Acorados, na Estrada. A Diócese de Santiago de Compostela como titular do ben inmovible ostenta a condición de beneficiario final da subvención concedida e pon aquel a disposición do concello para a execución das actuacións de acondicionamento da Igrexa de Santo Tomé de Acorados.

O orzamento estimado para a execución das actuacións que constitúen o obxecto deste convenio, é de 50.949,47 € IVE incluído.

A Consellería financiará o 98,1364477 % das actividades descritas con cargo á aplicación orzamentaria 10.01.431A.781.0, cunha achega máxima de 50.000,00 €.

No caso de que o investimento realizado teña un custo inferior ao inicialmente previsto e sempre que isto non supoña unha realización deficiente do obxecto deste convenio, a contía da subvención reducirase proporcionalmente.

A data límite para a execución das actuacións subvencionadas e para presentar a documentación xustificativa da subvención será o 30 de novembro de 2024.



O presente convenio entrará en vigor o día da súa sinatura e estenderá a súa vixencia ata o 31 de decembro de 2024, sen prexuízo de que se teñan por gastos subvencionables todos aqueles realizados a partir do 1 de xaneiro de 2024.

SEGUNDO.-

Que con data 29 de novembro de 2024 asinouse a primeira addenda ao convenio, motivada por quedar deserto o procedemento de licitación do contrato do servizo de restauración do retablo maior da Igrexa de Santo Tomé de Acorados. A través da dita addenda modificouse a cláusula terceira, novena e décimo quinta que quedaron redactadas do seguinte xeito:

Terceira.- Orzamento e financiamento

O orzamento estimado para a execución das actuacións que constitúen o obxecto deste convenio, é de 50.949,47 € .

Orzamento

Concepto	Importe
FASE 1	
Proxecto de intervención.....	700,00 €
Implantación de medios (andamiaxe).....	3.610,00 €
Limpeza mecánica.....	300,00 €
Desmontaxe.....	700,00 €
Desinsectación con empresa especializada e colocación de barreira antitermitas	5.410,00 €
TOTAL FASE 1.....	10.720,00 €
FASE 2	
Peche de xuntas e gretas /reconstrución de volumes.....	3.690,00 €
Saneado/Consolidación del soporte.....	1.750,00 €
Eliminación de repintes.....	6.880,00 €
Limpeza química.....	1.680,00 €
Fixación policromías.....	1.850,00€
Tratamento de elementos metálicos.....	450,00 €
Revisión de anclaxes e apoios.....	690,00 €
Estucado/desestucado.....	2.420,00 €
Reintegración.....	3.127,00 €
Protección/vernizado final.....	250,00 €
Montaxe/desmontaxe/carpintería.....	6.900,00 €



Gastos de xestión.....	1.000,00 €
Memoria de intervención.....	700,00 €
TOTAL FASE 2.....	31.387,00 €
Total:.....	42.107,00 €
IVE (21%).....	8.842,47 €
Total.....	50.949,47 €

Os conceptos descritos no orzamento poderán sufrir variacións sempre que non se altere a contía total do convenio, que en todo caso terá carácter de máximo.

A Consellería de Cultura, Lingua e Xuventude financiará o 98,1364477 % das actividades descritas con cargo á aplicación orzamentaria **13.01.431A.781.0**, cunha achega máxima de 50.000,00 €.

No caso de que o investimento realizado teña un custo inferior ao inicialmente previsto e sempre que isto non supoña unha realización deficiente do obxecto deste convenio, a contía da subvención reducirase proporcionalmente.

Novena.- Xustificación e pagamento.

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007.

1.- Para recibir o importe da subvención e para xustificar a aplicación dos fondos percibidos, o Concello da Estrada deberá acreditar a execución do proxecto subvencionado mediante a presentación na sede electrónica da Xunta de Galicia a través do procedemento PR004A, da seguinte documentación:

a) Certificación expedida pola Secretaría da entidade local, co visto e praxe do/a alcalde/sa ou presidente/a, relativa á aprobación polo órgano competente da conta xustificativa da subvención en que se faga constar, como mínimo, de forma detallada:

a.1. O cumprimento da finalidade da subvención.

a.2. Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguinte relación: identificación do/a acredor/a, número de factura ou documento equivalente, certificación da obra, importe, data de emisión e data de recoñecemento da obriga polo órgano competente. Salvo disposición expresa das bases reguladoras, e sen prexuízo do previsto na letra c) deste mesmo artigo, non será exixible a remisión dos documentos relacionados no artigo 48.2 b) do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro.

b) Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a



que foi concedida.

c) Unha relación detallada doutros ingresos ou subvencións que financiasen a actividade subvencionada con indicación do importe e a súa procedencia.

d) No seu caso, os tres orzamentos que se exigen en aplicación do artigo 29.3 da Lei 9/2007, do 13 de xuño, de subvencións de Galicia.

e) Documentación acreditativa da publicidade do outorgamento da subvención pola Consellería de Cultura, Educación, Formación Profesional e Universidades para a realización do obxecto do presente convenio.

f) Memoria final das accións realizadas que incluírá unha reportaxe fotográfica da obra (estado previo, desenvolvemento e obra rematada). Así mesmo acreditarase a colocación do cartel de obra ao que se fai referencia na cláusula cuarta.

2.- O órgano concedinte da subvención poderá solicitar calquera outra documentación necesaria para a correcta verificación da subvención.

3.- De conformidade co artigo 30 da Lei 9/2007, do 13 de xuño, de subvencións de Galicia, o órgano concedinte comprobará a adecuada xustificación da subvención, así como a realización da actividade e o cumprimento da finalidade que determinen a concesión da subvención.

4.- A data límite para a execución das actuacións subvencionadas e para presentar a documentación xustificativa da subvención será **o 30 de novembro de 2025**.

5.- A falta de presentación da xustificación no prazo indicado comportará a perda do dereito ao cobramento da subvención e demais responsabilidades establecidas na Lei de subvencións de Galicia, sen prexuízo do previsto nos artigos 45.2 e 46 do Regulamento da Lei de subvencións de Galicia.

6.-A cantidade máxima que se obriga a aportar a Consellería de Cultura, Lingua e Xuventude reducirase na mesma proporción que represente a cantidade non xustificada respecto do orzamento total, sempre que se cumpra co seu obxecto.

Décimo quinta.- Vixencia do convenio

O presente convenio entrará en vigor o día da súa sinatura e estendera a súa vixencia ata o 31 de decembro de 2025, sen prexuízo de que se teñan por gastos subvencionables todos aqueles realizados a partir do 1 de xaneiro de 2025.

TERCEIRO.-

Que o Concello da Estrada presenta, o 17 de novembro de 2025, escrito solicitando a tramitación da segunda addenda ao convenio para ampliar o prazo de xustificación do convenio ao 15 de decembro de 2025. O Concello motiva a súa solicitude no seguinte:

"En data 17 de novembro de 2025 a empresa adxudicataria da restauración presentou un escrito no que indica que:

Durante o desmante do retablo atópanse pinturas murais no muro que cobre a cabeceira datadas ao redor do século XVII e cuxa calidade históricoartística era



relevante. Comunícase o achado das pinturas ao concello da Estrada e á Consellería de Cultura.

A Consellería de Cultura encarga o proxecto de conservación e elaboración de informe histórico das policromías para o cal se obtén permiso de actuación a finais do mes de outubro e estase levando a cabo actualmente, o cal atrasa necesariamente a montaxe do retablo."

Que polos motivos expostos, atendendo á solicitude do Concello tramítase a addenda ao convenio para ampliar o prazo de xustificación ao 15 de decembro de 2025.

As circunstancias expostas polo Concello aconsellan a 2ª addenda e a súa tramitación non prexudica dereitos de terceiros.

Cúmprese o establecido no artigo 49 h) 1º e 2º da Lei 40/2015, do 1 de outubro, de réxime xurídico do sector público.

CUARTO.-

Á vista da solicitude presentada polo Concello da Estrada e das causas argumentadas, procédese a tramitar a 2ª addenda ao convenio asinado o 27 de marzo de 2024, para levar a cabo a restauración do retablo maior da Igrexa de Santo Tomé de Acorados, polo que as partes,

ACORDAN

PRIMEIRO.-

Subscribir a segunda addenda ao convenio de colaboración asinado con data 27 de marzo de 2024 para modificar a cláusula novena que quedaría redactada do seguinte xeito:

Novena.- Xustificación e pagamento.

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007.

1.- Para recibir o importe da subvención e para xustificar a aplicación dos fondos percibidos, o Concello da Estrada deberá acreditar a execución do proxecto subvencionado mediante a presentación na sede electrónica da Xunta de Galicia a través do procedemento PR004A, da seguinte documentación:

a) Certificación expedida pola Secretaría da entidade local, co visto e praxe do/a alcalde/sa ou presidente/a, relativa á aprobación polo órgano competente da conta xustificativa da subvención en que se faga constar, como mínimo, de forma detallada:

a.1. O cumprimento da finalidade da subvención.

a.2. Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguinte relación: identificación do/a acredor/a, número de factura ou documento



equivalente, certificación da obra, importe, data de emisión e data de recoñecemento da obriga polo órgano competente. Salvo disposición expresa das bases reguladoras, e sen prexuízo do previsto na letra c) deste mesmo artigo, non será exigible a remisión dos documentos relacionados no artigo 48.2 b) do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro.

b) Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.

c) Unha relación detallada doutros ingresos ou subvencións que financiasen a actividade subvencionada con indicación do importe e a súa procedencia.

d) No seu caso, os tres orzamentos que se exigen en aplicación do artigo 29.3 da Lei 9/2007, do 13 de xuño, de subvencións de Galicia.

e) Documentación acreditativa da publicidade do outorgamento da subvención pola Consellería de Cultura, Educación, Formación Profesional e Universidades para a realización do obxecto do presente convenio.

f) Memoria final das accións realizadas que incluírá unha reportaxe fotográfica da obra (estado previo, desenvolvemento e obra rematada). Así mesmo acreditarase a colocación do cartel de obra ao que se fai referencia na cláusula cuarta.

2.- O órgano concedinte da subvención poderá solicitar calquera outra documentación necesaria para a correcta verificación da subvención.

3.- De conformidade co artigo 30 da Lei 9/2007, do 13 de xuño, de subvencións de Galicia, o órgano concedinte comprobará a adecuada xustificación da subvención, así como a realización da actividade e o cumprimento da finalidade que determinen a concesión da subvención.

4.- A data límite para a execución das actuacións subvencionadas e para presentar a documentación xustificativa da subvención será **o 15 de decembro de 2025**.

5.- A falta de presentación da xustificación no prazo indicado comportará a perda do dereito ao cobramento da subvención e demais responsabilidades establecidas na Lei de subvencións de Galicia, sen prexuízo do previsto nos artigos 45.2 e 46 do Regulamento da Lei de subvencións de Galicia.

6.-A cantidade máxima que se obriga a aportar a Consellería de Cultura, Lingua e Xuventude reducirase na mesma proporción que represente a cantidade non xustificada respecto do orzamento total, sempre que se cumpra co seu obxecto.

SEGUNDO.-

O resto das cláusulas do convenio asinado o 27 de marzo de 2024 e addenda asinada o 29 de novembro de 2024, non sofren modificacións.

TERCEIRO.-



A vixencia desta addenda ao convenio asinado o 27 de marzo de 2024 entra en vigor na data da súa sinatura.

O conselleiro de Cultura,
Lingua e Xuventude,

A Diocese de Santiago de
Compostela,

O alcalde do Concello
da Estrada,

P.D. Orde 28/06/2024

A secretaria xeral técnica

Elvira M.^a Casal García

Francisco José Prieto
Fernández

Gonzalo Louzao Dono

